

古今圖書集成

中国学术类编

典政戎
下
(六)



欽定古今圖書集成經濟彙編戎政典

第一百八十二卷目錄

兵略部彙考八十

元五 世祖至元四則 成宗元貞一則 文宗

戎政典第一百八十二卷

兵略部彙考八十

元五

世祖至元十五年三月西蜀重慶等相繼降四川平

宋主奔瀾洲

十六年正月張弘範敗宋將張世傑於崖山

按元史世祖本紀十五年春正月丙午安西王相府

言萬戶禿滿答兒和札刺不花等攻克瀘州斬其主

將王世昌李都統庚戌東川副都元帥張德潤大敗

涪州兵斬州將王明及其子忠訓總轄韓文廣張遇

春二月壬午參知政事福建路宣慰使陵都率師攻

潮州破之三月乙酉詔蒙古帶唆都蒲壽庚行中書

省事於福州鎮撫海諸部甲午西川行樞密院招

降西蜀重慶等處得府三州六軍一監一縣二十備

四十蠻一乙未宋廣王西遁倪堅以表來上令侯命

大都督楊州行省趙葵木兒不花所部兵助陸興進

討戊戌劉宗純據德慶府梧州萬戶朱國寶攻之焚

其糧運拔德慶庚子漢軍都元帥李庭自願將兵擊

張世傑從之西川行樞密院招宣勝土族等城及石

橋寨相繼降癸卯都元帥楊文安遣兵攻克結慶統

其郡守鮮龍命斬之乙巳廣南西道宣慰司遣管軍

總管崔永千戶劉渾王德用招降雷化高三州即以

永等鎮守之宋張世傑據義拔廣王哥奔瀾州夏

四月甲子命不花雷鎮西川汪惟正率獲功聚古漢

軍官及降臣入觀大都巡軍之戌西川者遣還六月

己卯發蒙古軍千人從江東直趨張弘範由海道

討宋餘衆悉知政事蒙古帶諸領招宋廣王壽及

張世傑等不從秋七月丁酉以江西悉知政事李恆

爲都元帥將蒙古漢軍征廣命揚州行中書省分軍

三千付李恆八月丁巳沿海經略司行左副都元帥

劉深言福州安撫使王積翁既已降附復通謀於張
世傑積翁上言兵力單弱若不暫從恐爲閩郡生憂
之患詔原其罪甲戌安西王相府言川蜀悉平城邑
山寨洞穴凡八十三其渠州羅漢城等處凡三十三
所宜以兵鎮守餘悉撤之庚辰以四川平勞賞
軍士鈔一萬一千三百三十九錠九月庚寅貼信通
魯花赤李海刺孫官順同張弘範取宋二王調漢軍
水軍俾將之冬十月己巳經行省遣海船付馬兒
張弘範增兵四千俾將之閏十一月甲子發宋古漢
軍都元帥張弘範攻漳州得山寨五百五十戶百萬是
日謀報文天祥見屯潮陽海基連先鋒張弘正總管
臺加帶率輕騎五千人追及五坡嶺屢中大敗之斬
首七千餘執文天祥及其將校四人赴都十六年春
正月甲戌張弘範將兵追宋二王至崖山寨張世傑
來拒敗之世傑遁去廣王哥偕其官屬俱赴海死

獲其金寶以獻二月庚寅張弘範以降臣陳懿兄弟
破賊有功且出戰船百艘從征宋二王請授懿招討
使兼潮州路軍民總管及其弟忠義勇三人爲管軍
總管千夫長塔刺海復文天祥有功請授總管軍千
戶佩符並從之 按石抹按只傳石抹按只子不老
從攻嘉定以巨艦七十艘載勇士數千人據其上流
於府江紅樓灘造浮橋以渡十二年嘉定降宋將鮮
于都統率衆遁不老追至大佛灘盡斃之行院汪田
哥攻取紫雲道叙等城不老功最多及諸軍圍重慶
不老先以戰艦三百艘列陣于觀瀾絕其水路十三
年領隨軍五百人會招討藥刺海暨權於白水江
岸以爲備不老乘夜襲宋軍直抵重慶城下攻千斯
門宋軍驚潰溺死者衆生擒三十餘人獲其旗幟甲
仗以獻宋涪州守將李舟師來援不老擊敗之於廣
陽填生獲六十餘人奪其船十艘十四年從攻瀘州
不老勦所部兵攻神臂門據附以登斬首五千級明
日復戰破之十五年復攻重慶太平門不老先登殺
其守將卒數十人宋都統趙安以城降總管黃亮乘
舟遁不老追擒之及其兵士五十人奪戰艦五十艘
按汪良臣傳良臣爲西川行樞密院事蜀人安之
至元十一年進攻嘉定督萬壽堅守不出良臣度有
伏兵大搜山谷果得而殺之進壘薄城萬壽悉軍出
戰大破之伏尸蔽江萬壽乞降良臣奏免其死居民
按塔良臣統兵順流而下紫雲道叙相繼款附還圍
重慶 按李德輝傳十二年詔以王相繼蜀時重慶
猶城守不下朝廷各置行樞密院於東西川合兵萬
人圍之德輝至成都兩府爭遣使各受兵食方略德

經濟彙編戎政典第一百八十二卷兵略部

第七五五冊 之三〇 集

古今圖書集成

輝求之曰宋已亡矣重慶以彈丸之地不降何歸政以公輩利其割殺民不得有子女權而不來耳舊日兵未盡戰中使奉重慶來教公輩既不能正言明告嚴備止攻以須其至反購得軍吏杖之傷為得罪使懼而叛去水陸之師皆鼓繼進是堅其不下也中使不諭詐計竟以不奉明詔復命如是者非玩寇而何况復軍政不一相管紛紛朝夕敗矣豈能成功哉德輝出未至奉瀘州叛而重慶果潰再退守瀘州十四年詔以德輝為西川行樞密院副使仍兼王相轄軍既發德輝留成都給軍食是年復瀘州十五年再圖重慶賄月拔之紹興南平義施思播諸山陸水壩皆下而東川樞府猶故將也德輝與西川相觀望致敗恐相屬願獨軍合州德輝乃出合符與順慶獄者縱之使歸語州將張莊以天子威德遠著宋室既亡三宮皆北我朝含弘錄功忘過能早自歸必取將相與夏呂比又為書以體義禍福反覆解之以為汝之為臣不親於宋之子孫合之為州不大於宋之天下彼子孫已舉天下而歸我汝猶僞為負阻窮山而曰吾忠於所事不亦惑哉且昔此州之人不自為謀者以國有主恥被不義之名故爾得制其死命主亡矣猶欲以是行之則獻下盜過君竊君首以欲福一旦不難也莊未及報而德輝遣王郎既而合州遣李興張卻十二人謂事成都皆獲之釋不殺復為書縱歸使諭其將王立如諭莊者而辭益割創立亦計與東府有深怨傳誅即使與等帥幹楊解懷燬書閣至成都降德輝從兵幾數百人赴之東府害其來皆曰公昔為書招莊亦無功而還今

立莊牙校也習狙詐不信特以計致公來使與吾爭垂成之功延命辱刺耳未必誠降德輝曰昔合以重慶存故力可以同惡今已孤絕窮而來歸亦其勢然吾非壞人之功者誠懼公等憤其後服誣以誓抗彈先朝利其割奪而快心於屠城也吾為國活此民豈計汝嫌怒為哉即單舸濟江薄城下呼立出降安集其民而罷置其吏合人自立而下家緒事之川蜀平復以王相還邸按速哥傳十三年圖重慶帝遣脫木敏化的持詔諭其守臣使降不降乃分兵為五道水陸並進攻之衆軍不利唯速哥獲戰艦三百艘俘其衆百二十人涪州守將趙善納降速哥率千人往察其情偽速哥至涪州果降遂入其城重慶守臣張萬率衆來襲速哥一日夜出兵凡與十八戰斬首三百餘級萬敗走未幾萬復以精兵三千人來攻又戰敗之十四年行院辟為鎮守萬戶嘉定總管府達魯花赤時瀘州復叛速哥從大軍討平之重慶受圍久其守將趙安開門出降制置使張莊遣速哥追破之捕百餘人及其舟二十餘艘以功授成都水軍萬戶尋改重慶府等路宣撫招討兩司軍民達魯花赤按莊臣傳十三年宋涪州安撫楊立帥兵救重慶者再良臣皆敗走之宋安撫張莊遣將葉虛襲據瀘州良臣遣軍平之復攻重慶十五年春張莊遣衆襲良臣臣曹舉大破之身中四矢明日督戰益急莊所部趙安開門納降莊遣良臣禁梓潼梓潼縣民大悅四川悉平按閱世祖善召良臣入觀投資善大夫中書左丞按張弘範傳十五年宋張世傑立廣王萬于海上圖廣德傳弘範往平之授東古

漢軍都元帥陸輝奏曰漢人無統蒙古軍者亡以蒙古信臣為首帥帝曰汝知而父與察罕之事乎其破安豐也汝父欲留兵守之察罕不從師既南安豐復為宋有進退幾失據汝父深悔其良由委任不專故也豈可使汝復有汝父之悔乎今付汝大事能以汝父之心為心則予汝嘉而賜錦衣玉帶弘範不受以劍甲為請帝出武庫劍甲聽其自擇且諭之曰劍汝之副也不用令者以此處之將行將李恆為己貶從之至揚州遇將校水陸二萬分道南征以弟弘正為先鋒戒之曰遇汝驍勇非私汝也軍法重我不敢以私撓公勉之弘正所向克捷進攻三江寨寨險乘高不可近因連兵向之寨中持滿以待弘範下令下馬治朝食若將持久者持滿者疑不敢動而他寨不虞也忽應軍連拔數寨迴搆三江盡拔之至漳州軍其東門命別將攻南門西門乃乘虛破其北門拔之攻飽浦寨又拔之由是潮海郡邑皆望風降附復宋丞相文天祥於五坡嶺使之拜不屈弘範義之待以賓禮送至京師獲宋禮部侍郎鄭光薦命子珪師事之十六年正月庚戌由潮陽港發船入海至甲子門獲宋斥候將劉善願凱乃知廣王所在辛酉次崖山宋軍千餘艘院海中建樓檣其上隱然壁也弘範引舟師赴之崖山東西對峙其北水淺舟艣非潮來不可進乃由山之東轉南入大洋始得過其舟又出奇兵斷其波路燒其官室世傑有甥在弘範軍中三使招之世傑不從甲戌戊午恆自廣州至授以戰艦二使守北面二月癸未將戰或請先用砲弘範曰火起則舟散不如戰也明日四分其軍軍其東南西北三面

五八 司馬遷

弘範自將一軍相去里餘下令曰宋舟潮至必東還
急攻之勿令得去聞吾樂作乃戰連令者斬先應北
面一軍乘潮而戰不克李恆等順潮而退樂作宋將
以爲且宴少懈弘範舟師犯其前樂繼之陳構戰樓
於舟尾以布幕障之命將士負盾而伏令之曰聞金
聲起戰先金而妄動者死飛矢集如蟬伏盾者不動
舟將接鳴金散陣弓弩火石交作頃刻并破七舟宋
師大潰宋臣抱其主屍赴水死復其符璽印章世傑
先遁李恆追至大洋不及世傑走交趾風颶舟死海
陵港其餘將吏皆降備海悉平 按李恆傳至元十
二年有詔分三道出師以恆爲左副都元帥從都元
帥遜都台出江西九月開府於江州師次建昌縣擒
都統熊飛遂圍隆興轉運使劉榮請降恆察其詐密
爲之備榮果以銳兵突至恆擊敗之殺獲殆盡榮乃
降下撫瑞建昌縣江軍中有得宋相文天祥與建昌
故吏民書恆焚之人心乃安進攻吉州知州周天驥
降遂定贛南安廣東經略徐直諒奉蠟書納其所部
十四郡前江西制置黃萬石亦以郢武降宋丞相陳
宜中及其大將張世傑立益王昀於閩中郡縣棄條
舉起兵應之恆遣將殺吳俊兵於南豐世傑遣都統
張文虎與俊合兵十萬期必復建昌恆復遣將敗之
兇將凌走從文天祥於瑞金又破之天祥走汀州遣
偵探孔道追之併破趙孟澤軍取汀州元帥府罷授
昭勇大將軍同知江西宣慰使司事加鎮國上將軍遂
福建宣慰使改江西宣慰使天祥復取汀州兵出興
國縣建破諸邑圍贛州尤急政言天祥墳墓在吉州
若遣兵發之則必下矣恆曰王師討不服耳豈有發

人墳墓之理乃分兵拔贛自率精兵潛至興國天祥
走追至空抗獲其妻女擒招討使趙時賞已下二十
餘人降其衆二十萬有旨令與右丞阿里罕左丞董
文炳合兵追益王昀所同皆謂宜趙福建恆曰不
可若諸軍俱在福建彼必重廣東則梅嶺江西非我
有矣宜從廣東夾攻之衆以爲然兵至梅嶺果與宋
兵遇出其不意敗之乃進走潮州十五年宋益王昀
其樞密張世傑陸秀夫等復立衛王昀子廣東諸部
以恆爲蒙古漢軍都元帥經略之恆進兵取英德
府清遠縣敗其制置張夏運使王道夫遂入廣州世
傑等移屯崖山時都元帥張世傑舟師未至恆按兵
不動分遣諸將略定梅嶺潮州復置等復抵廣州恆
擊敗之皆棄舟走赴水死奪其船三百艘擒將吏宋
邁以下二百餘人又破其餘軍於焚塘越十六年二
月弘範至自漳州直指崖山恆率所部赴之張世傑
集海艦千餘艘實以巨索爲欄以自固恆遣斷其汲
路其勢日迫論降不可乃陣於船尾由北面進行播
其糧索絕世傑猶死戰自朝至哺弘範督南面諸軍
合擊大敗之陸秀夫先沈妻子於海乃抱衛王赴海
死從死者十餘萬人獲其金璽後官及文武之臣其
大將翟國秀凌震等皆解甲降美滿之餘尚得八百
餘艘是日黑氣如霧有乘舟南遁者恆以爲衛王追
至高化陶之降人始知衛王已死遁者乃世傑也世
傑雖亦溺死於海陵港嶺海悉平 按宋天祥傳天
澤子格爲廣南西道宣慰使宋亡陳宜中張世傑挾
益王昀廣王昀據福州立益王昀傳檄嶺海欲復其地
許言夏貴已復嶺海州郡諸將以江路既絕不可

經濟集編戎政典第一百八十二卷兵略部

北歸皆託計事還靜江格曰君等亦爲虛糜所懼耶
待貴賄權審不可北歸吾與諸君取塗雲南而歸未
爲不可敢輒棄成行省議棄廣東之舉康德慶封
州併兵成梧州格曰棄地撤備不敵以怯不可宜增
兵成之劇賊蘇仲巢漢卒據龍山稱王劫掠於外
耕植於內至秋舉獲閩大兵至則偽出降官軍畏暑
不敢深入橫嶺實貴四州皆被其害格築堡於其界
守以士兵令官軍火其廬棚民踐其禾稼仲巢感送
降益王餘衆破漳州斬李辰李福靜江北抵泉永皆
城守嚴飛圖未凡七月不下判官潘澤民間道來告
急格分兵赴之殄其衆 按陵都傳十四年陸福建
道宣慰使行征南元帥府事聽參政塔出節制塔出
令陵都取道泉州泛海會於廣州之高場將行信州
守臣來求援曰元帥不來信不可守今邵武方聚兵
觀重元帥且往邵武兵至矣陵都告於衆曰若邵
武不下則腹背受敵豈獨信不可守乎乃遣周萬戶
等往招降之陵都趨是車遇宋兵於崇安軍容甚盛
令其子百家奴及楊庭璧等數隊夾擊之范萬戶以
三百人伏祝公橋殺刺客以四百人伏北門外庭璧
陷陣深入宋兵敗走伏兵起連擊之斬首千餘級宋
丞相文天祥南劍州都督張清合兵將襲連軍陵都
夜設伏敗之轉戰至南劍敗張清奪其城至福州王
積翁以城降攻興化軍知軍陳瓚乞降復開城拒守
陵都臨城諭之矢石雨下乃遣雲梯砲石攻其城
巷戰終日斬首三萬餘級獲瓚支解以徇至漳州漳
州亦拒守先遣百家奴往會塔出留攻之斬首數千
級知府何清降攻潮州知府馬發不降陵都恐失雷

第七五五冊 之三 一 葉

場之期乃舍之而去十五年至廣州塔出令還攻潮
被城守益備腹都塞壘填濠造器械車日夜急攻
發潛遣人焚之二十餘日不能下腹都令於衆曰有
能先登者拜爵已任者增秩總管元夏哈耳先登
將繼之戰至夕朱兵潰潮州平進參知政事行省
州卒于百家奴襲鄧復州招討使建康宣撫使仍領
本翼軍項之拘地福建行定衛管信等州城邑至新
安縣擊斬朱越監軍肅知縣擒江通判道與金軍遇
疾戰敗之鼓行而東沈安撫以建寧府降攻陷南劍
州張清肅文慶通去閩清懷安二縣傳檄而定至福
州諭以威德王安撫率衆出降攻破興化擒陳安撫
及白鹿都統別擊東華鄉張世傑軍於泉州俄領
軍乘戰船入海追逐張世傑於嘉州甲子門進至同
安縣各關寨縣縣悉招諭下之白望丹王虎陳
以戰船三千餘艘來降冬十二月宋二王遣使詣
求詣軍門降遂進兵至廣州諸郡縣以次降附明年
春正月振旅而還復攻下德勝等寨至蒲仙江肅文
慶復敗走攻潮州破之蘇馬督等數人廣東遂平
至元十九年四月征蠻元帥完者都擒漳州賊陳弔
眼誅之陳文桂陳桂龍等降

護送赴京師其黨吳滿張飛迎敵就誅之 按完者
都傳漳州陳弔眼聚黨數萬劫掠汀漳諸路七年未
平十七年八月樞密副使李羅請命完者都往討從
之加鎮國上將軍福建等處征蠻都元帥率兵五千
以往賜餉糧甲面慰遣之且曰賊苟就擒擒汝施行
時黃華聚黨三萬人擾建寧號頭陀軍先者都先引
兵鼓行歷其境軍聲大震賊驚懼納款完者都許以
爲副元帥凡征蠻之事一以問之且慮其詐莫測
因大獵以耀武通有一鵬翔空完者都仰射之應弦
而落遂大獵所獲山獐華大悅服乃聞於朝請與之
俱討賊朝廷從之制授華征蠻副元帥與完者都同
督華遂爲前驅至賊所破其五寨十九年三月追陳
弔眼至千壁嶺擒之斬首漳州市餘黨悉平 按塔
里赤傳塔里赤還福建招討使時諸郡盜起其最盛
者陳弔眼據寨五萬陷漳州行省承制命塔里赤爲
閩廣大都督征南都元帥總四省軍復漳州生擒陳
弔眼戮於市餘黨悉伏誅 按高興傳十七年漳州
盜數萬據高安寨官軍討之二年不能下詔以興爲
福建等處征蠻右副都元帥與興都元帥完者都等
討之直抵其盤賊寨高安寨下擊之興命人挾束薪蔽
身進至山半寨薪而進如是六日誘其矢石殆盡乃
燃薪焚其寨遂平之斬賊魁及其黨首二萬級十八
年盜陳弔眼聚衆十萬連五十餘寨扼險自固興攻
破其十五寨弔眼走保千壁嶺興上至山半誘興語
接其手擊下擒斬之漳州境悉平
至元二十四年夏四月諸王乃顏反五月帝親征擊
平之

按元史世祖本紀至元二十四年夏四月諸王乃顏
反五月己亥遣也先傳旨諭北京等處宣慰司凡隸
乃顏所部者禁其往來毋令聚馬持弓矢庚子以不
魯合罕總探馬赤軍三千人出征壬寅帝自將征乃
顏發上都王于高麗王賁請益兵征乃顏以五百人
赴之六月庚申朔百官以職守不得從征乃顏願獻
馬以給衛士壬戌至撒兒都魯之地乃顏驚塔不帶
率所部六萬遁行在而陣遣前軍敗之壬申發諸衛
軍萬人築古軍千人成業德州諸王失都兒所部鐵
哥率其黨取咸平府渡遼欲劫取葉德州守臣以乏
軍求援救以北京戍軍千人赴之乙亥車駕駐於大
利幹魯脫之地復乃顏糧重千餘仍禁秋毫無犯秋
七月癸巳乃顏黨失都兒犯咸平宜慰塔出從皇子
愛牙亦合兵出濱州進討宜慰亦兒撤合分兵趨懿
州其黨悉平 按葉李傳乃顏叛北遼諸李庭出師
討之而將校多用國人或其親屬立馬相鄉語輒釋
仗不戰遂退卻帝患之李密啓曰兵貴奇不貴衆
臨敵當以計取彼既親屬誰肯盡力徒費陛下糧餉
四方轉輸甚勞臣請用漢軍列前步戰而聯大車斷
其後以示死鬪彼嘗玩我必不設備我以大眾蹈之
無不勝矣帝嘉其謀諭將帥果奏捷自是帝益奇
李 按土土哈傳二十四年宗王乃顏叛陰遣使來
結也不干勝刺哈爲土土哈所執盡得其情以聞勝
刺哈設宴遣二大將朵兒朵懷將往土土哈以爲事
不可測遂止勝刺哈計不得行未幾有旨令勝刺哈
入朝將由東道進土土哈言於北安王曰彼分地在
東脫有不虞是縱虎入山林也乃命從西道進既而

五八司書長

有言也不干叛者衆欲先聞於朝然後發兵土土哈曰兵貴神速若彼果叛我軍出其不意可即圖之否則與約而違即日啓行疾驅七晝夜達亮兀刺河戰于李怯嶺大敗之也不干僅以身免世祖時親征乃顯聞之遣使命土土哈收其餘黨洽河而下遇叛王鐵哥軍萬騎擊走之獲馬甚衆并擒叛王哈兒魯等獻俘行在所誅之欽察庫里之屬自叛所來歸者即以付土土哈置哈刺魯萬戶府欽察之散處安西諸王部下者悉令統之時成宗以皇孫撫軍於北詔以土土哈從追乃顏餘黨於哈刺溫誅叛王兀塔海盡降其衆按博羅歡傳諸王乃顏叛帝將親征博羅歡諫曰昔太祖分封東諸侯其地與戶臣皆知之以二十爲率乃顏得其九忙兀魯扎刺兒弘吉刺亦其親屬五諸侯得其十一惟微五諸侯兵自足當之何至上煩乘輿哉臣疾且愈請事東征帝乃賜體甲弓矢鞍勒命督五諸侯兵與乃顏戰敗之其黨皆不帶以兵來拒會入雨軍乏食諸將欲退博羅歡曰今兩陣相對豈容先動俄塔不帶引兵退博羅歡以其師乘之轉戰二日身中三矢大破之斬其駙馬忽倫連太師月魯那漢大軍來會遠平乃顏擒塔不帶按阿沙不花傳乃顏叛諸王納牙等皆應之帝問計將安出阿沙不花對曰臣愚以爲莫若先安撫諸王乃行天討則叛者勢自孤矣帝曰善卿試爲朕行之即北說納牙曰大王聞乃顏反耶曰聞之曰大王知乃顏已遣使自歸耶曰不知也曰聞大王等皆欲爲乃顏外應今乃顏既自歸矣是獨大王與主上抗幸主上聖明亦知非大王意道之不問然二三大臣不

能無惑大王何不往見上自陳爲萬全計納牙悅許之於是諸王之謀皆解阿沙不花還報帝乃親征命徵兵遠陽以千戶率昔實赤之衆從行及乃顏平阿沙不花以大同與和兩郡當車駕所經有帷蓋資者數十里無居民諭詔有司作室楨中徙民百戶居之割境內首實赤牧地使耕種以自養從之至元二十六年七月帝親征諸王海都十月月的迷失以賊首董實泉及鍾明亮歸京師據元史世祖本紀至元二十五年春正月癸卯海都犯邊敵耐馬昌吉諸王也以烈察乞兒合丹兩千戶皆發兵從諸王木伯北征夏四月乙丑廣東賊董賢舉等七人皆稱大老聚衆反剽掠吉贛瑞撫龍興南安韶雄汀諸郡連歲警之不能平江西行樞密院副使月的迷失請益兵江西行省平章忽都鐵木兒亦以地廣兵寡爲言詔江淮省分萬戶一軍詣江西俟賊平還夏六月戊辰海都將暗伯著戰以兵犯葉里干腦兒管軍元帥阿里帶戰却之秋七月戊戌同知江西行樞密院月的迷失上言近以盜起廣東分江西江淮福建三省兵萬人令臣將之討賊臣願萬人內得蒙古軍三百并臣所轄降戶萬人置萬戶府以撤木合兒爲總管花赤佩虎符詔許之冬十月庚午海都犯邊十二月丁巳海都犯邊拔都也孫脫迎擊死之二十六年春正月戊戌以荆湖占城省左丞唐兀帶副按的忽都合魯魯古都萬戶統兵會江淮福建二省及月的迷失兵討盜於江西癸卯賊鍾明亮亮寇贛州掠寧都據秀嶺詔發江淮省及都都成兵五千還江西參政管如德爲左丞使將兵往討五月

丙申賊鍾明亮率衆萬八千五百七十三人來降江淮福建江西三省所抽軍各還本鎮六月辛巳月的迷失請以降賊鍾明亮爲循州知州宋士賢爲梅州判官丘應祥等十八人爲縣尹巡尉帝不允令明亮應祥並赴都海都犯邊和林宜慰使伯同知乃滿帶副使人黑鐵兒皆反應之秋七月海都兵犯邊帝親征辛丑發侍衛親軍萬人赴上都八月甲子月的迷失以鍾明亮貢物來獻聞十月戊寅軍駕還大都庚辰月的迷失以首賊丘應祥董實泉等歸於京師丙戌廣東賊鍾明亮復反以衆萬人寇梅州江羅等以八千人寇漳州又韶雄諸賊二十餘處皆舉兵應之聲勢甚詔月的迷失復與福建江西合兵討之且諭旨月的迷失鍾明亮既降朕令汝遣之赴闕而汝玩常不發致有是變自今降賊其即遣之二十七年二月乙亥朔江西諸都盜未平詔江淮行省分兵一千益之己丑江西盜鍾明亮等復降詔能爲首者至京師而給其餘黨鍾明亮等復降詔能爲大老等掠樂昌諸郡行樞密院討平之五月戊申江西行省管如德江西行樞密院月的迷失合兵討反寇鍾明亮亮降詔縛致闕下按鐵連傳宗王海都叛廷議欲伐之世祖曰朕以宗室之情惟當懷之以德其擯諸密足任大事者往使焉左右以鐵連對遂召見諸及大事鐵連應對稱旨帝嘉其辭曰此事非汝不可然必先詣拔都報哥鐵木王所相與計事而後行使二人副之鐵連既奉命欲直達海都境觀其虛實然後讓于諸王副者弗從曰上命我輩先讓于王今達達敵境不可鐵連曰親承密旨汝輩違

經濟彙編戎政典第一百八十二卷兵略部

第七五五冊 之三十一

則當誅罰者懼而從之行既至海都日召宗親宴飲將伺其隙謀害之鐵連乃厲聲斥之曰且食勿語望語言脫口相繼為罪耶良久海都曰直欲酒半鐵連求太為敵海都嘉其雄辯將解與之其妃止之以皮服二襲付之因語其屬曰為使者當如是矣厚賜以行既至拔都蒙哥鐵木王所具告以故王曰祖宗有訓親者人得誅之如通好不從率師以行天罰我即外應掩襲動絕不難矣鐵連還悉以事聞因言於帝曰海都兵繁而銳不宜遠戰來則堅壁待之去則勿追自守既固則無虞矣帝深然之勅所愛海都皮服全飾以金凡朝會宜服以表示其貴賜不可勝計

按土土哈傳二十六年從皇孫晉王征海都抵杭海嶺敵先據險諸軍失利惟土土哈以其軍直前屢戰莫言王而出追騎大至乃還精銳設伏以待之寇不敵遁秋七月世祖還幸北邊召見慰諭之曰昔太祖與其臣同患難者飲班木河之水以記功今日之事何愧昔人卿其勉之還至京師大喜羣臣復謂土土哈曰朔方人來聞海都言杭海之役使彼邊將皆如土土哈言屬安所置設論功行賞帝欲先飲察之士土土哈言度賞之典蒙古將吏宜先之帝曰爾母飾謙蒙古人誠居汝右力戰豈在汝右耶召諸將頒賞有差按玉哇失傳成宗時在濟邸帝以海都連年犯邊令出鐵金山王哇失率所部在行從皇子開闢出丞相朵兒剌魯海都軍突陣而入大破之復從諸王藥木忽兒丞相朵兒剌魯海都將八憐八併敗海都復以充苦馬領精兵三萬人直趨撒刺思河欲據險以襲我師玉哇失率善射者三百人守其

隘注矢以射竟全軍而歸帝嘉之賜鈔萬五千緡金鐵連三十匹海都朵哇以兵來襲擊走之武宗鎮北邊海都復入寇至兀兒克玉哇失敗之復其駝馬等仗以獻時札魯花赤率羅帖木兒所將兵為海都困於小谷帝命玉哇失援出之帝嘗謂諸將曰今日大丈夫之事舍玉哇失其誰能之縱以黃金包其身猶未足以厭朕志武宗南還命玉哇失從從敵獲其取近因困之成邊按察司德傳二十六年遷江西行尚書省左丞時鍾明亮以循州叛殺掠州縣千里丘壠帝命如德統四省兵討之諸將欲直搗其巢穴如德曰噶今田野之氓疲於轉輸介問之士病於暴露重困斯民而自為功吾不為也於是遣使諭以禍福賊威如德誠信即擲千餘騎詣贛州石城縣降平章政事與魯赤怒其跋扈不臣欲以事殺明亮如德聞之曰皇元仁厚未嘗殺降明亮叛人何足惜所重者信不可失耳

成宗元貞二年冬十月贛州賊劉六十攻掠吉州江西行省左丞董士選討平之

按元史成宗本紀云云按董士選傳士選拜江西行省左丞贛州盜劉六十僞立名號聚眾至萬餘朝廷遣兵討之主將觀望遲遲不肯戰守吏又以因以擾民民賊勢益盛士選請自往來眾欣然託之即日就進不求益兵但率掠史李德鎮元明善一人持文書以去衆莫測其所為至贛境捕官吏害民者治之民相告曰不知有官法如此道至與國縣去賊巢不百里命擇將校分兵守地待命察知激亂之人悉莫于法復誅奸民之為義者於是民爭出請自效不敢

日遂擒賊魁散餘衆歸農軍中復賊所為文書附近郡縣富人姓名具在蓋鎮明善請焚之民心益安遣使以事平報於朝中書平章政事不忽木召其使謂之曰董公上功簿耶使者曰某旦行左丞授之言曰朝廷若以軍功為問但言鎮明善狀得免罪幸甚何功之可言因出其書但請誅賊更數人而已不言破賊事廷議深厭其知體而不伐拜江南行御史臺中丞按元明善傳士選陞江西左丞辟為省掾會贛州賊劉貴反明善從士選將兵討之擒賊三百人明善議緩誅得全活者百二十人一日將佐白宜多殺俘獲及尸一切死者以張軍聲明善固爭以為王者之師恭行天罰小醜陸梁戮其渠魁可爾民何辜焉既又得賊所書贛吉民丁十萬於轉者有司喜欲茲為利明善請火其籍以滅跡一郡者安

文宗天曆元年九月帝即位燕京十月遣月魯帖木兒等討平上都諸王軍十一月詔罷陝西行臺軍之從反者

按元史文宗本紀致和元年三月大駕至上都滿亮關關出等處從西安王阿剌忒納失里居守燕帖木兒亦留大都時也先捏私至上都與劉剌沙等圖弗利於帝乃遣宗正扎魯忽亦雅古台還帝居江陵七月庚午奉定皇帝崩於上都剌沙及梁王王禪速王脫脫因結黨害政人皆不平時燕鐵木兒實掌大都樞密符印駐於西安王阿剌忒納失里陰結勇士以圖舉義八月甲午遣前河南行省參知政事明里董阿前宣政使答里麻失里馳驛迎帝於江陵密以意諭河南行省平章政事伯顏令簡兵以備應從乙

未以西安王令調衛兵守居庸關及盧兒嶺丙申
遣左衛率使充營將兵屯白馬甸隆鎮衛指揮使幹
都魯將兵屯秦和嶺丁酉發中衛兵守邊民鎮又遣
撒里不花等往迎帝庚子發宗仁衛兵增守邊民鎮
辛丑遣萬戶徹里帖木兒將兵屯河中甲辰帝登江
陵乙巳遣隆鎮衛指揮使也達台兒將兵守碑樓口
召喚西行臺侍御史馬札兒台及行省平章政事探
馬赤不至丙午遣前西臺御史刺馬黑巴等除陝西
丁未撤教守居庸關唐其勢屯古北口令河南行省
遣銀符以給軍士有功者戊申帝命河南行省平章
政事伯顏爲本省左丞相河南行省遣前萬戶李羅
等將兵守潼關庚戌帝至汴梁伯顏等扈從北行以
前翰林學士承旨阿不海牙爲河南行省平章政事
發平漢民運糧以禦東軍辛亥以燕鐵木兒
知樞密院事壬子阿速衛指揮使脫脫木兒率其軍
自上都來歸即命守古北口癸丑上都諸王及用事
臣以兵分道犯京畿留遣王脫脫諸王李羅帖木兒
大師朵帶左丞相倒剌沙知樞密院事鐵木兒就居
守甲寅刺馬黑巴等至陝西皆見殺乙卯脫脫木兒
及上都諸王失利平章政事乃馬台詹事欽察戰於
宜興斬欽察於陣會乃馬台返京師殺之失刺敗走
丁巳帝至京師入居大內貴赤衛指揮使脫迭出自
上都率其軍來歸命守古北口己未上都梁王王禪
右丞相塔失鐵木兒太尉不花平章政事買闡御史
大夫紐澤等兵次榆林九月庚申朔燕鐵木兒督師
居庸關遣撒敦以兵襲上都兵於榆林擊敗之追至
懷來而還隆鎮衛指揮使幹都魯以兵襲上都諸王

滅里鐵木兒脫木赤於陀羅臺執之歸於京師陝西
兵入河中府劫行用庫鈔萬八千錠殺同知府事不
倫禿王戊戌徵五衛屯田兵赴京師樞密院臣言河南
行省軍列戍淮西距潼關河中不遠湖廣行省軍惟
平陽保定兩萬戶號稱精銳請發新黃戎軍一萬人
及兩萬戶軍爲三萬命湖廣參政鄧瑄寄萬戶脫脫
木兒將之並黃河爲營以便徵遣從之召燕鐵木兒
赴關上都諸王也先帖木兒平章禿滿迭兒自遼東
以兵入遷民鎮諸王八刺馬也先帖木兒以所部兵
入管州殺掠吏民丁卯燕鐵木兒率諸王大臣伏闕
請早正大位以安天下遣撒敦拒還東兵於薊州東
流沙河元帥阿兀刺守居庸關上都軍攻碑樓口指
揮使也達魯見舉之不克戊辰徵鄧陵河西軍赴
關命真陽萬戶楊克忠鄧州萬戶孫節以兵守武關
己巳立行樞密院於汴梁以同知樞密院事也達台
兒知行樞密院事將兵行視太行諸關西擊河中遣
關軍上都諸王忽剌台等引兵犯岷州庚午遣軍民
守諸峽諸隘辛未同知樞密院事脫脫木兒與遼東
禿滿迭兒戰於薊州兩家店壬申帝即位於大明殿
受諸王百官朝賀詔曰洪惟我太祖皇帝混一海宇
爰立定制以一統緒宗親各受分地勿敢妄生覬覦
此不易之成規萬世所共守者也世祖之後成宗武
宗仁宗英宗以公天下之心以次相傳宗王貴戚咸
遵祖訓至於晉邸具有盟誓願守藩服而與賊臣鐵
失也先帖木兒等潛通諭謀圖干寶位使英宗不幸
罹於大故朕兄弟播越南北備歷艱險御衛之事豈
復與聞朕以叔父之故順承惟謹於今六年災異迭

見權臣倒剌沙烏伯都剌等專權自用疎遠勳舊廢
棄忠良變亂祖宗法度空府庫以私其黨類大行上
賓利於立幼顯握國柄用成其奸宗王大臣以宗社
之重統緒之正協謀推戴屬於鈔躬朕以菲德宜俟
大兄固讓再三宗戚將相百僚耆老以爲神機不可
以久虛天下不可以無主周王遠隔沙漠庶幾遠
已及三月誠懇迫切朕故從其請謹俟大兄之至以
遂朕固讓之心己巳致和元年九月十三日即皇帝
位於大明殿其以致和元年爲天曆元年可大赦天
下自九月十三日昧爽已前除謀殺祖父父母妻
妾殺夫奴婢殺主謀殺殺人但犯強盜印造偽鈔不
赦外其餘罪無輕重咸赦除之於戲朕豈有意於天
下哉重念祖宗開創之艱恐墮大業是以勉徇輿情
尚願爾中外文武臣僚協心相予輯寧億兆以成治
功咨爾多方體予至意朕百命燕鐵木兒將兵擊遼
東軍乙亥上都王禪兵襲破居庸關將士皆潰燕鐵
木兒軍大入河丙子王禪游兵至大口燕鐵木兒還
軍大榆河帝出齊化門視師丁丑燕鐵木兒來見曰
衆興一出民心必驚軍旅之事臣請以身任之即日
還宮戊寅命留守司完京城軍士棄城守禦燕鐵木
兒與王禪軍戰於榆河敗之追奔紅橋北其樞密
副使阿剌帖木兒指揮使忽都帖木兒以兵會王禪
復來戰又敗之我師據紅橋辛巳燕鐵木兒與上都
軍大戰白浮之野燕鐵木兒手刃七人於陣敗之脫
脫木兒與遼東軍戰薊州之檀子山壬午王禪等遁
崑山州復上都頒詔使者及遼東徵兵使者以聞詔
誅之癸未王禪收散亡復來戰我師列陣白浮之

西敵不敢犯至夜撤脫木兒前後夾攻敗走之
追及於昌平北斬首數千級降者萬餘人甲申王禪
單騎亡撒敦追之不及而還靖安王蘭不花等將陝
西兵潛由潼關南水門入萬戶李璣棄關走蘭不花
等分據陝州等縣縱兵四劫乙酉上都兵入古北口
將士皆潰其知樞密院事竹溫台以兵掠石槽燕鐵
木兒遣數教倍道趨石槽掩其不備擊之燕鐵木兒
大兵趨至輯職四十餘里至牛頭山擒尉馬李羅帖
木兒平章蒙古塔失帖木兒將作院使撒兒討溫送
關下殺之將校降者萬人餘兵奔竄夜遣撒敦出古
北口逐之脫脫木兒與遼東軍戰薊州南殺獲無算
調河南蒙古軍老幼五萬人增守京師募丁壯守直
沽調臨清萬戶府運糧軍三千五百並都河分守山
東丁壯萬人守集益都般陽諸處海港居庸關疊石
以爲固丁亥遼東軍抵京城燕鐵木兒引兵拒之令
京城里長召募丁壯及百工合萬人與兵士爲伍乘
城守晝月給鈔三錠米三斗糞軍管軍兩路所轄代
州之雁門關岢嵐州之陽武關嵐州之大瀾口皮庫口
保德州之寨底天橋白羊三關石州之塢堡口汾州
之向陽關陽州之馬門關古州之馬頭寨王徹一關
靈石縣之陰地關皆令穿鑿疊石以爲固調丁壯守
之戊子上都諸王忽剌台等兵入紫荆關將士皆潰
行樞密院官卜顏幹都督指揮使也速臺兒將兵援
之陝西行臺御史大夫也先帖木兒引兵從大慶關
渡河擒河中府官殺之萬戶撒里帖木兒軍潰而還
河東聞也先帖木兒軍至官吏皆棄城走也先帖木
兒悉以其黨代之冬十月己丑燕鐵木兒引兵至通

州擊遼東軍敗之皆渡潞水走還脫木兒等將兵
四千西援紫荆關調江浙兵萬人西禦潼關河南行
省調兵守虎牢關庚寅我師與遼東軍夾潞水而陣
遼東軍宵遁我師渡而襲之辛卯紫荆關兵進逼涿
州同知州事教化的調丁壯禦之癸巳忽剌台游兵
進逼南城令京城居民戶出壯丁一人持兵仗從軍
士乘城仍於諸門列砲貯水以防火燕鐵木兒及陽
臺王太平國王榮羅台等戰於檀子山之森林磨其
勢陷敵太平死者數野餘皆宵遁撒敦追之弗
及甲午脫脫木兒章古與也先捏合擊敵軍於良鄉
南轉戰至蘆溝橋忽剌台被創據橋而宿乙未燕鐵
木兒率軍循北山而西趨良鄉諸將與忽剌台阿
剌帖木兒等戰於蘆溝橋聲言燕鐵木兒大軍至敵
兵皆遁使者領詔於甘肅至陝西行省行臺官途毀
詔書檄使者送上都相率王八刺失里引兵入冀軍
殺掠吏民時太行諸關守備皆聞冀軍路來告急救
萬戶和尚將兵由故關援之冀軍路官募民丁迎敵
和尚以兵爲殿殺獲甚衆會上都兵大至和尚退保
故關冀軍遂破戊戌諸將退阿剌帖木兒等至紫荆
關獲之送京師皆棄市己亥河南行省行樞密
院皆聽便宜行事亮滿迭兒軍復入古北口燕鐵木
兒引軍禦之大戰於檀州南敗之其萬戶以兵萬人
降亮滿迭兒走還遼東使者領詔於陝西行省行
臺官亮滿迭兒使者報告於上都辛丑齊王月魯帖
木兒東路蒙古元帥不花帖木兒等以兵圍上都剌
沙等率皇帝寶出降梁王王禪通遼王脫脫爲齊
王月魯帖木兒所殺遂收上都諸王符印王寶以宣

徵使也先捏知行樞密院事宣徵副使章吉爲行樞
密院副使與知樞密院事也速台兒等將兵西禦潼
關軍癸卯也先鐵木兒軍至晉寧本路官皆遁丁未
陝西兵至鞏縣黑石渡遂據虎牢我師皆潰儲仗悉
爲所獲河南行省來告悉戒有司修城壁嚴守衛己
酉開居庸關陝西軍奪武關萬戶楊克忠等兵潰庚
戌齊王月魯帖木兒諸王別思帖木兒阿兒哈失里
那海罕及東路蒙古元帥不花帖木兒等率上皇帝
寶剌沙等從至京師下之獄分遣使者赦行省內
郡罷兵以安百姓癸丑元帥也速答兒執相率王八
刺失里送京師八刺失里及趙王馬扎罕諸王忽剌
台承上都之命各起所部兵南侵冀軍還大馬邑至
是被執其所俘男女千人悉還其家還使止江浙軍
士之往潼關者就還銀也先鐵木兒兵至潞州丙辰
鐵木哥兵入鄧州戊午也先捏軍大順德十一月辛
酉也先捏兵至武安也先鐵木兒以軍降河東州縣
聞之盡殺其所屬官吏甲子陝西兵進逼汴梁聞朝
廷傳徵罷兵乃解去辛未鐵木哥兵入襄陽本路官
皆遁襄陽縣尹谷庭珪主簿張德獨不去西軍執使
降不屈死之時食樞密院事塔海擁兵南陽不救丁
丑荆王也速也不干遣使傳檄至襄陽鐵木哥引兵
走壬午詔行樞密院罷兵癸未倒剌沙伏誅磔其尸
於市王禪亦賜死周馬沙紐澤撒的迷失也先鐵木
兒等皆棄市十二月庚子中書省臣言陝西行省行
臺官亮滿迭兒書坐罪當流經赦宥永不錄用爲宜
制可 按燕鐵木兒傳奉定帝崩於上都丞相倒剌
沙專政宗室諸王脫脫王禪附之利於立功燕鐵木

古今圖書集成

兒時總環衛事留大都自以身受武宗寵拔之恩其子宜集大位而一居朔漢一處南陽實天之所置將以啓之由是與公主察吉兒族黨阿剌帖木兒及腹心之士李倫赤剌刺等議以八月甲午昧爽率勇士納禿魯等入與聖宮會集百官執中書平章烏伯都剌伯顏察兒兵皆露刃督衆曰祖宗正統屬在武皇帝之子孰有不順者新衆皆潰散遂捕奸黨下獄而與西安王阿剌忒納失里入守內庭分處腹心於樞密自東華門夾道重列軍士使人傳命往來其中以防漏泄即命河南行省參知政事明里董阿前宣政院使答剌麻失里乘驛迎文宗於中興且令密以意諭河南行省平章伯顏選兵備應從於是封武庫拘百司印遣兵守諸要害貸在京寺觀鈔募死士賈戰馬運京倉粟以餉守禦士卒復遣使於各行省徵發錢帛兵器舊時有諸衛軍無統屬者又有闕選及罷退軍官皆給之符牌以待調遣丁酉再遣撒里不花鎮南班往中興趣大駕早發令塔失帖木兒設爲南使云諸王帖木兒不花寬徵普化湖廣河南省臣及河南都萬戶合軍應駕旦夕且至民勿疑懼丁未命撒敦以兵守居庸關其勢屯古北口戊申復令乃馬台爲北使稱明宗從諸王兵整頓南轅中外乃安辛亥撤里不花至自中興云乘輿已啓塗詔拜燕鐵木兒知樞密院事丙辰率百官備法駕迎丁巳文宗至京師入居大內己未上都王禪及太尉不花丞相塔失帖木兒平章買闡御史大夫紐澤等軍次榆林九月庚申詔燕鐵木兒帥師禦之撒敦先驅至榆林乘其未陣薄之北軍大敗甲子詔還都戊辰還

東平章禿滿迭兒以兵犯邊民鎮新開以入遣撒敦往拒至薊州東沙流河累戰敗之燕鐵木兒以爲擾攘之際不正大名不足以係天下之志與諸王大臣伏闕勸進文宗固辭曰大兄在朔方朕敢棄天庠乎燕鐵木兒曰人心向背之機間不容髮一或失之噬臍無及文宗悟乃曰必不得已當明詔天下以著子退讓之意而後可王申文宗即位改元天曆赦天下癸酉封燕鐵木兒爲太平王即日詔將兵出薊州拒禿滿迭兒乙亥次三河而王禪等軍已破居庸關遂進屯三塚丙子燕鐵木兒舉食倍道而還丁丑抵榆河關帝出都城將親督戰燕鐵木兒單騎請見曰陛下出民心必驚凡剪寇事一以責臣願陛下還宮以安衆庶文宗乃還明日丁丑阿速衛指揮使忽都下不花塔海帖木兒同知太不花構變事覺械送京師斬首以徇己卯與王禪前軍遇於榆河北我師奮擊敗之追至紅橋北王禪將樞密副使阿剌帖木兒指揮忽都帖木兒引兵會戰阿剌帖木兒執戈入刺燕鐵木兒側身以刀格其戈就斫之中左臂部將和尚馳擊忽都帖木兒亦中左臂二人驟將也敵爲毒氣遂却因據紅橋兩軍阻水而陣命善射者射之遂退師於白浮南命知院也達答兒八都兒亦訥思等分爲三隊張兩翼以角之敵軍敗走辛巳敵軍復合慶敵於白浮之野周旋馳突矢就受塵燕鐵木兒手斃七人會日曠對壘而宿夜二鼓還阿剌帖木兒字倫赤岳來吉將精銳百騎鼓譟射其營敵衆驚擾互自相擊至旦始悟人馬死傷無數明日天大霧獲敵卒二人云王禪等脫身竄山谷矣癸未天清明王禪集

散卒成列出山我師駐白浮西堅壁不動是夜又命撒敦潛軍繞其後部曲八都兒壓其前夾擊吹銅角以震遠之敵不悟而亂自相撓擊三鼓後乃西遁連明追及昌平北斬首數千級降者萬餘人帝遣賜上尊諭旨曰丞相每戰親冒矢石脫有不虞其若宗社何自今後但凭高督戰察將士之用命不用命者以賞罰之可也對曰臣以身先之爲諸將法敢後者軍法從事託之諸將萬一失利悔將何及是日敵軍再戰再北王禪單騎亡命也速答兒也不倫撒敦追之就命也速答兒及食院徹里帖木兒統空三萬守居庸關還至昌平南俄報古北口不守上都軍掠石槽丙戌遣撒敦爲先驅燕鐵木兒以大軍繼其後至石槽敵軍方炊掩其不備直蹙之大軍并進追擊四十里至牛頭山擒駙馬手羅帖木兒平章蒙古答失牙失帖木兒院使撒兒討溫等獻俘闕下戮之各衛將士降者不可勝紀餘兵奔竄夜遣撒敦襲之遂出古北口丁亥禿滿迭兒及諸王也先帖木兒軍陷通州將襲京師燕鐵木兒急引軍還十月己丑朔日將昏至通州乘其初至擊之敵軍復退走渡路河庚寅夾河而軍敵列植桑柘衣以氈衣然火爲疑兵夜遣辛卯率師渡河追之癸巳駐檀子山之叢林也速帖木兒禿滿迭兒合陽翟王太平國王朵羅台平章塔海軍軍闕士皆殊死戰至曉唐其勢陷陣殺太平死者敵野餘兵宵潰已而撒敦將輕兵要之弗及而還乙未上都諸王忽剌台指揮阿剌帖木兒安童入紫荊關犯良鄉游騎運南城燕鐵木兒即率諸將兵循北山而西令脫術乘盛莖豆以餉馬士行且食晨夜

經濟彙編戊政典第一百八十二卷兵略部

第七五五冊 之三 四 葉

兼程至於蘆溝河忽刺台聞之望風西走是日凱旋入自肅清門都人羅拜馬首以謝更生之恩燕鐵木兒曰此皆天子威靈吾何力焉入見帝大悅賜燕與聖殿盡歡而罷是日撤遣報亮滿迭兒軍復入古北口燕鐵木兒遂以師赴之戰於檀州南野敗之東路紫古萬戶哈刺那懷率麾下萬人降餘兵東潰亮滿迭兒走還遼東復忽刺台阿刺帖木兒安童朵羅台塔海等戮之先是齊王月魯帖木兒東路蒙古元帥不花帖木兒聞文宗即位乃起兵趨上都圖之時上都屢敗勢蹙王寶倒刺沙肉祖奉皇帝寶出請死齊王調兵護送至京師庚戌文宗御與聖殿受皇帝寶下倒刺沙於獄兩都平按和尚傳西安王以兵討倒刺沙命從丞相燕鐵木兒擒烏伯都剌分兵備禦天曆元年九月從順通州以功賞名馬從擊犯紅橋之兵手弋刺死二人敗之奪紅橋及紐都澤大夫等力戰於白洋殺其四人和尙白丞相曰兩軍相戰當有辨今觀機俱無辨我軍宜易以白丞相然之戰於昌平果圖殺二人又與亞失帖木兒戰於石槽殺三人十月從擊亮滿迭兒於檀州南桑口敗之又從丞相追擊其軍於檀州之北有功十一月命領八衛把總金鼓都鎮撫司事按阿禮海牙傳阿禮海牙拜翰林學士承旨丁父憂解官家居天曆元年秋文宗入承大統阿禮海牙即易服南迎至於汴郊見馬帝命復舊汴省時官艱難之際阿禮海牙高價糴粟以時糧備倉近郡分治戎器聞士卒拮据民間以備不虞先是文宗即位之詔已播告天下而陝西官府結連靖安王等起兵東擊潼關阿禮海牙開府庫

量出鈔二十五萬屬屬諸行省參政河南淮北蒙古軍都萬戶朵列圖廉訪副使萬家閣備軍河南以禦之令都鎮撫十伯率軍更巡行南陽高門武關荆子諸陵南至襄川二江之口督以嚴備萬戶博羅守潼關不能軍是月二十五日只兒哈率小汪總帥脫帖木兒萬戶等之兵突出潼關東掠開鄉披蓋寶潼關州新安諸郡已放兵四劫進逼前進河南告急之使押至而朵列圖亦以兵塞爲言十月一日阿禮海牙集省憲官屬問以長策無有言者阿禮海牙曰汴在南北之交使西人得至此則江南三省之道不通於徽甸軍旅應接何日可息乎夫事有緩急輕重今重莫如足兵急莫如足食吾徽湖廣之平陽保定兩翼軍與吾省之鄧新真廬州沂郊砲弩手諸軍以備虎牢裕州哈刺魯都州孫萬戶兩軍以備武關荆子口以屬郡之兵及蒙古南都萬戶左右兩衛諸部丁壯之可入軍者給馬乘實裝立行伍以次備諸隘均陵等屯兵本自襄都諸軍來田者還其軍益以民之丁壯使守襄陽白土峽州諸隘別選塔海以備自蜀至者以汴汝荆襄兩淮之馬以給之府庫不足則命都縣假諸殷富之家安豐等郡之果邇黃河運至於陝羅諸汴汝近郡者則運諸榮陽以達於虎牢吾與諸軍各當忠義以從王事宜無不濟者衆曰唯命即日部分行事自伯顏不花王以下省都事李元德等凡省之屬吏與有官而家居者各授以事而出廉訪使董守中食事沙沙在南陽右丞脫帖木兒訪廉使卜顏在虎牢分遣兵馬以應其調用餽餉之行千車相望阿禮海牙親閱實之必豐必良信以期會自虎牢

之南至於襄漢無不畢給蓋爲粟二十萬石豆如之兵甲五十五萬獨萬萬是時朝廷置行樞密院以總西事襄漢荆湖河南郡縣皆缺官阿禮海牙便宜擇材以處之朝廷皆從其請是月西兵逼河南行院使來報曰西人北行者度河中以趨懷孟磁南行者帖木哥迺武關掠鄧州而殘之直趨襄陽攻汝郡邑三十餘橫絕數千里所過殺官吏焚廬舍擄民人婦女財物賊虐於盡西結寨家將以蜀兵至矣阿禮海牙益督餉西行遣行院官塔海領兵攻帖木哥而又設備於江黃置鐵鑪於峽口作舟艦以待戰十九日師與西兵遇於鞏縣之石渡而湖廣所徵太原之兵最爲可用甫至未及食或趣之倍道以進轉戰及暮兩軍殺傷與墮洞谷死者相等而虎牢遂爲敵有兵儲巨萬阿禮海牙盡其心民殫其力者一日悉亡焉行省院與諸軍斂兵退二十二日至汴民大恐阿禮海牙前後遣使告於朝輒爲也先捏留不遣不得朝廷音問已二十日阿禮海牙亦憂之親出行撫其民乃修城關以備衛突立四門以通往來戒卒伍以嚴守衛時雖甚危急阿禮海牙朝夕出入聲色不動怡然如平時衆賴以安十一月六日西師逼城將百里而近阿禮海牙召行院將帥憲司典凡在官者而告之曰吾荷國厚恩雖有一死以報上耳行院之出唯敵是圖而退保吾城不亦怯乎然敵亦烏合之衆何所受命而敢犯我乎且吾甲兵非不堅勁器械時非不豐給而弗利者太平日久將校不知兵吏士不練習彼所以得拔猖至此彼誠知我聖天子之命則衆沮而散爾何足慮乎吾今遣使告於朝請降詔大赦腦從

註誤比詔下先募士以卽位詔及朝廷招諭之文入其軍明示利害吾整大軍西向以征之別遣驍將率精騎數千上龍門繞出其後使之進無所投退無所歸成擒於鞏洛之間必矣而我軍所獲陝西官吏命有司蠲而食之一無所戮衆曰諾唯命卽日與行院整兵南薰門外以行會有使者自京師還言齊王已克上都奉天子寶璽來歸刻日至京矣阿禮海牙乃置酒高會於省臺以賀發書告屬郡報諸江南三省而募士得蘭住者齋書諭之西人猶撈掠蘭住訊以其實而朝廷亦遣都護月魯帖木兒從十餘人率詔放散西軍之在虎牢者西人殺其從者之半械都護以送諸荆王所荆王時在河南之白馬寺以是西人雖未解散各已駭悟又聞行省院以兵至猶豫不敢進朝廷又使參政馮不花親諭之乃信服靖安王遣使四輩與蘭住來請命遼遼而去雖平阿禮海牙乃解嚴報捷餉餘財以還民從陝西求民人之被俘掠者歸其家凡數千人陝西官吏被獲者皆遣還其所阿禮海牙自始至鎮迨乎告功居汴省者數月後以功遷陝西行御史大夫復拜中書省平章政事

欽定古今圖書集成經濟彙編戎政典

第一百八十三卷目錄

兵略部彙考八十一

元六 順帝至正七年

戎政典第一百八十三卷

兵略部彙考八十一

元六

順帝至正八年十一月台州方國珍反命江浙行省討之

按元史順帝本紀至正八年十一月辛亥台州方國珍爲亂聚衆海上命江浙行省都知政事朵兒只班討之 按歸鳴傳鳴運奉議提院事時方國珍未附詔江浙行省都知政事朵兒只班討之一軍皆沒而朵兒只丹被執將罪之鳴曰將之失利其罪固當然所部皆北方步騎不習水戰是驅之死地耳宜募海濱之民習水利者擒之既而國珍遣人從朵兒只丹走京師請降鳴曰國珍已敗我王師又拘我王臣力屈而來非與降也必討之以令四方特朝廷方事姑息卒從其請後果叛如鳴言遷御史臺都事俄復參議樞密院事 按泰不華傳八年台州黃巖民方國珍爲亂頭王伏之離運送入海爲亂劫掠漕運糧餉海道千戶德流於實事聞詔江浙參政朵兒

只班總舟師捕之追至福州五虎門國珍知事危焚舟將通官軍自相驚潰朵兒只班遂被執國珍迫其上招降之狀朝廷從之國珍兄弟皆授之以官國珍不肯赴勢益暴橫九年詔泰不華察實以聞既得其狀遂上招捕之策不聽尋除江東廉訪使改翰林侍讀學士已而出爲都水庸田使

俱發兵討之

按元史順帝本紀至正十年十二月方國珍攻溫州十一月春正月庚申命江浙行省左丞李羅帖木兒討方國珍五月辛亥穎州妖人劉福通爲亂以紅巾爲號陷穎州初樂城人韓山童祖父以白蓮會燒香惑衆誦徒廣平永平縣至山童倡言天下大亂彌勒佛下生河南及江淮愚民皆信然信之福通與杜遵道羅文素盛文郁王顯忠韓咬兒復鼓妖言謂山童實宋徽宗八世孫當爲中國主福通等殺白馬黑牛誓告天地欲同起兵爲亂事覺縣官捕之急福通遂反山童就擒其妻楊氏其子韓林兒逃之武安王申命同知樞密院事李赤以兵討劉福通授以分樞密院印六月劉福通據朱皋攻破羅山與陽確山遂犯武陽縣等處江浙左丞李羅帖木兒爲方國珍所敗秋七月己巳命大司農達識帖睦爾及江浙行省參知政事樊執敬浙東廉訪使董守恕同招諭方國珍八月丙戌蕭縣李二及老彭趙君用攻陷徐州李二號芝麻李與其黨亦以燒香聚衆而反斬州羅田縣人徐貞一名番輝與黃州麻城人郭晉勝等以妖

術聚衆舉兵爲亂以紅巾爲號九月壬子命御史大夫也先帖木兒知樞密院事及衛王寬徹哥總率大軍出征河南妖寇是月劉福通陷懷慶府及息州光州衆至十萬徐壽輝陷蕪湖水縣及黃州冬十月癸未命知樞密院事老章以兵同也先帖木兒討河南妖寇是月徐壽輝據蕪湖水爲都國號天完僭稱皇帝改元治平以鄒普勝爲太師十二月辛丑也先帖木兒復上蔡縣擒韓咬兒等至京師誅之 按泰不華傳十年十二月方國珍復入海燒掠沿海州郡十一年二月陷李羅帖木兒爲江浙行省左丞總兵至慶元以泰不華諒知賊情狀運浙東道宣慰使都元帥分兵於溫州使夾攻之未幾國珍寇溫泰不華縱火焚之一夕遁去既而李羅帖木兒密與泰不華約以六月乙未合兵進討李羅帖木兒乃以壬辰先期至大開洋國珍夜率勁卒縱火鼓譟官軍不戰皆潰赴水死者過半李羅帖木兒被執反爲國珍飾辭上聞泰不華聞之痛憤餒食數日朝廷弗之知復遣大司農達識帖木兒等至黃巖招之國珍兄弟皆登岸羅拜遏止民間小樓是夕中秋月明泰不華欲命壯士襲殺之達識帖木兒通遺夜過泰不華密以事白之達識帖木兒曰我受詔招降耳公欲擅命耶事乃止檄泰不華親至海濱散其徒衆拘其海舟兵器國珍兄弟復授官有差 按李羅帖木兒至正十一年夏五月盜起河南北據徐蔡南陷新蔡掠數千里造船北岸就意南攻九江居下流貫江東西襟喉之地轄治城據修縣械募丁壯分守要害且上攻守之策於江西行省請兵屯江北以扼賊衝庶幾大江之險賊不得

共之不報輸款曰吾不知死所矣乃獨椎牛饗士激忠義以作士氣數日之間紀綱初立

至正十二年徐壽輝劉福通方國珍陷湖廣江西及徽台諸路各發兵討之九月脫脫平徐州蔡罕帖木兒李思齊等起兵叛賊

按元史順帝本紀十二年春正月戊申竹山縣賊陷襄陽路總管崇實死之是日荆門州亦陷丙辰徐壽輝遣偽將丁普郎徐明遠陷漢陽丁已陷興國府己未徐壽輝遣鄭普勝陷武昌威順王寬徹皆化湖廣行省平章政事和尚棄城走辛酉徐壽輝偽將魯法

與陷安陸府知府丑曉戰不勝死之辛未徐壽輝兵陷沔陽府壬申中興路陷山南宣慰司同知月古輪失領兵出戰衆潰宣慰使鍾州不花山南廉訪使卜禮月敦皆遁走命達魯魯魯爲淮東添設元帥統諸兩淮所募鹽丁五千討徐州命宣政院同知桑哥率領

亦都護畏吾兒軍與荆湖北道宣慰使朵兒只班同守襄陽濟寧兵馬指揮使賈童統領右都衛軍從知樞密院事月蘭察兒討徐州二月丁丑以河南廉訪使哈藍朵兒只爲荆湖北道宣慰使都元帥守襄陽

乙酉徐壽輝兵陷江州總管李輔死之遂陷南康路丙戌徐壽輝兵陷岳州房州賊陷歸州戊子詔徐州內外羣聚之衆限二十日不分首從並與教界辛丑鄧州賊王權張椿陷遺州龍鎮衛指揮使俺都剌哈

蠻等率師復之是月賊使滑滑命傳住爲何應石丞守東明德往時致仕於家聞命馳至東明渡城隍廟備禦賊不敢犯徐壽輝偽將歐陽陷袁州三月丁未徐壽輝偽將許甲攻衡州洞黃安撫敗之徐壽輝

偽將陶九陷瑞州總管禹蘇福萬戶張岳敗之壬子河南左丞相太不花復南陽等處辛酉命親王阿兒麻以兵討商州等處賊以臺卜班知行樞密院事甲

子徐壽輝偽將項普略陷饒州路遠陷徽州信州戊辰以江浙行省左丞相亦魯班爲江西行省左丞相領兵收捕饒信賊是月方國珍復劫其黨下海入黃巖港台州路遠魯花赤泰不率軍官軍與戰死之

閏三月壬午以大理宣慰使答失八都魯爲四川行省添設參知政事與本省平章政事咬住討山南湖南等處賊乙酉徐壽輝偽將陳普文陷安吉路鄉民

羅明遠起義兵復之壬辰以大都留守兀忽失爲江浙行省添設右丞討饒信賊丙申阿達魯馬里納忽台擒滑州開州賊韓兀奴罕有功授資用庫大使丁

酉湖廣行省參知政事鐵傑以湖南兵復岳州是月詔四川行省平章政事咬住以兵討荆襄賊克復忠萬夔雲陽等州命江西行省左丞相亦魯班以兵

守江東西關隘命諸王亦魯班班愛因班參知政事也先帖木兒與陝西行省平章政事月魯帖木兒討南陽襄陽賊剌部尚書阿魯討海軍賊江西行省右

丞相徐亦魯與參知政事桑壽討江西賊以浙東宣慰使思魯普代江浙行省左丞相納失里守蕪湖命

經濟集續戎政典第一百八十三卷兵略部

昌路乙卯鐵傑及萬戶陶萃積復武昌蕪湖等再陷丙辰江西宣慰使塗佑與御史武達率賊應必達等攻陷邵武路總管吳按難不花以兵討之千戶魏厚以

計擒塗佑等必達復其城辛未荆門知州張炳復荆門州永懷縣賊陷桂陽咬住歸復州進攻峽州興峽

州總管趙余說大破賊兵誅李太素等平之五月戊寅命江南行臺御史大夫納麟給宣勅與台州民陳

子由楊恕卿趙士正戴甲令集民丁夾攻方國珍己卯咬住復中興路癸未建昌民戴良起鄉兵克復建昌路乙酉命留守帖木哥與諸王朵兒只守口北龍

慶州是月答失八都魯至荆門增募兵趨襄陽與賊戰大敗克之命左丞相納失里仍守蕪湖陰歷七月庚辰饒徽賊犯昱橋關陷杭州路辛巳命通政院使答

兒麻失里與樞密副使亮堅不花討徐州賊給勅三十道以賞功己丑湘鄉賊陷黃慶路庚寅以征西

元帥幹羅爲章珮添設少監討徐州脫脫請親出師討徐州許之辛卯命脫脫台爲行樞密院使提調二十萬戶賜金幣一銀鈔幣帛有差丁酉湖南元帥

古今圖書集成

新亮天工如此則內外有兼治之宜社稷有倚重之
青不報下卯詔脫脫以荅利罕太傅中書右丞相分
省於外督制諸處軍馬討徐州中書省樞密院御史
臺分官屬從行裏受節制賞有功誅殺有罪釋順
討逆悉聽便宜從事是日發京師是月安陸賊將俞
君正復陷荆門州知州嚴炳死之賊將克仲連復陷
岳州九月乙亥俞君正復陷中興咬住領兵與賊於
漢臺敗獲奔松滋本路判官上都死之癸未中興義
士范中偕荆門督李智率義兵復中興路俞君正敗
走龍鎮衛指揮使使都判哈魯領兵入城咬住自松
滋還屯兵於石馬乙酉脫脫至徐州丁亥命知行樞
密院事阿剌吉從脫脫討徐州辛卯脫脫復徐州屠
其城芝麻李通走之亥賊攻辰州連奪花赤和尚擊
走之庚子詔加脫脫為太師班師還京十一月辛未
命江浙行省平章政事盧宣收捕常州賊乙亥以星
吉為江西行省平章政事出師湖廣癸未命江浙行
省右丞相帖里帖木兒討方國珍十二月壬寅客失八
都魯復襄陽是歲潁州沈丘人蔡罕帖木兒信陽州
羅山人李思齊同起義兵破賊有功授蔡罕帖木兒
中順大夫改軍府連奪花赤李思齊知汝軍府 按
脫脫傳十二年紅巾有號芝麻李者據徐州脫脫請
自行討之以遠聲言為淮南直慰使集鹽丁及城邑
趙提通二萬人與所統兵俱登九月師次徐州攻其
西門賊出戰以鐵箭射馬首脫脫不為動應軍奮
擊之大破其衆入其外郭明日大兵四集猛攻之賊
不能支城破芝麻李遁去後其黃旗賊焚其積聚
追擒其偽千戶數十人遂屠其城帝遣中書平章政

事替化等即軍中命脫脫為太師依前右丞相起還
朝而以樞密院同知禿赤等進師平順毫師還詔改
徐州為武安州而立碑以著其績 按蔡罕帖木兒
傳十二年蔡罕帖木兒乃齊義起兵沈丘之子弟從
者數百人與信陽之羅山人李思齊合兵同設奇計
襲破羅山事聞朝廷授蔡罕帖木兒中順大夫汝軍
府連奪花赤於是所在義士俱將兵來會得萬人自
成一軍屯沈丘數與賊戰克捷 按客失八都魯
傳十二年進大荆門時賊十萬官軍止三千餘遂用
宋廷傑計招募襄陽官吏及土豪遊兵者得義丁二
萬編排部伍申其約束行至蠻河賊守要害兵不得
渡即令屈萬戶率奇兵由間道出其後首尾夾攻賊
大敗追至襄陽城南大戰生擒其偽將三十人腰斬
之賊自是閉門不復出客失八都魯乃相視形勢內
列八翼包絡襄城外置八營軍觀山楚山以截其援
自以中軍四千據虎頭山以瞰城中署從征人李復
為南漳縣尹黎可舉為宜城縣尹附徭其民以賦軍
餉城中之民受圍日久夜半二人從城叩門具告
盧宣願為內應客失八都魯與之定約以五月初日
四更攻城授之密號而去至期民垂繩以引官軍先
登者近十人時賊船百餘艘在城北陰募善水者鑿
其底大將明城破賊巷戰不勝走就船船壞皆溺水
死偽將王權領千騎西走遇伏兵被擒襄陽遂平加
客失八都魯黃善大夫賜上尊及黃金束帶以其弟
謙里木為襄陽連奪花赤子李權帖木兒為雲南行
省理問比賊再犯荆門安陸沔陽客失八都魯輒引
兵敗之尋詔益兵五千以馬數萬蒙元帥成都不花

聽其調撥 按蔡不華傳蔡不華運台州路連奪花
赤十二年朝廷征徐州命江浙省臣募舟師守大江
國珍懷疑復入海以叛蔡不華自分以死報國發兵
扼黃巖之澄江而遣義士王大大用抵國珍示約情使
之來歸國珍益疑拘大用不遣以小舸二百突海門
入州港犯馬鞍諸山寨不華語衆曰吾以書生登順
要誠慮負所學今守海隅賊招招徠又復為變君輩
助我擊之其克則汝來功也不克則我盡死以報國
耳衆皆踴躍願行時國珍戚黨陳仲達往來計議陳
其可降狀蔡不華率部衆張受降旗乘潮而前船觸
沙不能行垂與國珍遇呼仲達前陳仲達目動氣
索蔡不華覺其心異手斬之即前搏賊船射死五人
賊躍入船復斫死二人賊衆來刺斫折之賊羣
至欲抱持過國珍船蔡不華瞋目叱之賊起奪賊刀
又殺二人賊搜藥劑之中預死鴆植立不仆投其屍
海中 按星吉傳吉為江西行省平章政事員外置
星吉至江東詔令守江州時江州已陷賊據池陽太
平官軍止有三百人賊號百萬衆皆欲走星吉曰畏
賊而逃非勇也坐而待攻非智也汝等皆有妻子財
物縱逃其可免乎乃貸富人錢募人為兵先是行臺
募兵八給百五十千無應者至是星吉募兵人五十
千衆爭赴之一日得三千人乃具舟楫直趨銅陵克
之又破賊白馬灣賊敗走分兵蹙之抵白湖賊窮急
回拒官軍官軍乘勝奮擊賊盡殲擒其渠魁周璽奪
船六百艘軍聲大振遂復池州乃命諸將分道討賊
復石埭諸縣賊復來攻命王惟恭列陣當之緣始交
出小艦從旁橫擊大破走之遂據清水灣何者告賊

古今圖書集成

繼至自上流順風舉帆衆且數十倍諸將失色星吉曰無傷也風勢盛夜倉卒必不得泊但伏橫港中俟以待候過而擊之無不勝矣風怒水駛賊奄忽而過乃命舉旗張帆鼓譟而薄之官軍殊死戰風反爲我用又大破之時賊久圍安慶捷聞連燒營走進復湖口縣克江州留兵守之命王惟恭樞小孤山而星吉自據鄱陽口級江湖要衝以圖恢復時湖廣已陷江西被圍淮浙亦多故卒無繼援之者日久糧益乏士卒咸困或曰東南充實蓋因糧以圖再舉星吉曰吾受命守江西必死於此衆莫敢復言有頃賊衆大船四集來攻我軍取藥草編爲大筏塞上下流火之我軍力戰衆死且盡星吉之從子伯不華與親兵數十人死之星吉猶堅坐不動賊發矢射星吉乃昏仆賊衆聞星吉名不忍害昇置密室中至旦乃蘇賊羅拜爭饋以食星吉斥之遂不復食凡七日乃自力而起北面再拜曰臣力竭矣遂絕 按卜顏鐵木兒傳至正十二年春斬黃賊徐壽輝遣兵陷湖廣使江東西諸卜顏鐵木兒率軍討之卜顏鐵木兒益募壯健爲兵得戰勇士三千人戰艦三百艘時湖廣平章政事也先帖木兒江西平章政事星吉江南行臺御史中丞蠻子海牙皆以兵駐太平宿留不進卜顏鐵木兒至乃與俱前賊方聚丁家洲官軍猝與遇奮擊敗之遂復銅陵縣其賊帥復池州遂分遣萬戶普賢奴屯陽陵王達中屯白面渡聞兒討無爲州而自率衆撫不花萬戶明安駐池口以防遏上流爲之節度已而江州再陷星吉死之蠻子海牙及威順王寬徹皆化軍俱潰而東安慶被圍益急遣使來求援諸

將皆欲自守情地下顏鐵木兒曰何言之不忠耶安慶與池止隔一水今安慶固守是其節也而救患之義我其可緩且上流官軍雖潰然皆百戰之餘所乏者錢穀器具而已吾受命總兵可視之而不恤故即大發帑藏以周之潰軍皆大集而兩軍之勢復振安慶之圍遂解 按李繼傳十二年正月己未賊渡江陷武昌威順王及省臣相繼遁船輒蔽江而下江西大寨賊衆辟破瑞昌右丞李羅帖木兒方軍於江關之遙難離孤立辭氣愈厲時黃梅縣主簿也孫帖木兒願出擊賊賊大喜向天洒酒與之誓言始脫口賊游兵已至境急徵諸鄉落聚木石於險塞處遇賊歸路倉卒無號乃墨士卒面親之出戰賊身先士卒大呼陷陣也孫帖木兒繼進賊大敗逐北六十里鄉丁依險阻乘高下木石橫屍蔽路殺獲二萬餘賊還謂左右曰賊不利於陸必由水道以舟薄我苟失備禦吾屬無噍類矣乃以長木數千貫鐵椎於杪暗植沿岸水中逆刺賊舟謂之七星檣會西南風急賊舟數千果揚帆順流鼓譟而至舟遇檣不得動進退無措賊帥將士奮擊發火船箭射之焚溺死者無算餘舟散走行省上備功請拜江西行省政事江州南康等路軍民都總管便宜行事已而賊勢更熾西自荆湖東際淮甸守臣往往棄城遁歸守孤城提屠旅新賊扶傷無日不戰中外援絕二月甲申賊將薄城分省平章政事亮堅不花自北門遁賊引兵登陣布敗具賊已至甘棠湖焚西門乃張弩射之賊趨起未敢進轉攻東門賊教東門賊已入與之巷戰知力不敵揮劍叱賊曰殺我毋殺百姓賊自巷背來刺賊

墮馬騎與從子乘昭俱馬賊而死 按亦憐眞班傳十二年亦憐眞班移江西行省左丞相於是妖寇由新黃陷饒州饒之屬邑安仁與龍興相接境其民皆相挺爲亂亦憐眞班遣出安仁因駐兵招之來者厚加賞資不從者命于哈藍朵兒只與江西左丞火徐赤等乘高縱火攻散之餘千久爲盜匪亦聞風順服先是江西行省平章政事道童以寬容爲政軍民憐弛亦憐眞班既至風采一新威聲大震所在盜賊咸謀歸款矣 按黃得壽傳十二年得壽移軍援江南遂渡江至湖州德清縣而微饒賊已陷杭州教化問得壽計得壽曰賊皆野人見杭州子女玉帛非平日所有必縱恣不暇爲備宜急攻之今欲退保湖州設使賊衆銳重趨京口則江南不可爲矣敎化猶豫未決而得壽亦難其行得壽正色曰江浙相君方面既陷於賊今可取而不取誰任其咎復投劍顧諸將曰諸君皆國厚恩而臨難苟免今相君在是敢有慢令者斬計乃決遂進兵杭州城賊迎敵至國橋得壽壯士突前新殺數級而諸軍相繼夾擊之凡七戰追殺至清河坊賊奔接待寺塞其門而焚之賊皆死遂復杭州已而餘杭武康德清大勢以平得壽亦受代去微饒賊復自昱嶺關寇於潛行省乃假得壽爲參知政事俾復提兵討之得壽曰必欲除殘去暴所不敢辭若假以重爵則不敢受即日引兵至臨安新溪是爲入杭要路既分兵守之而始進兵至埠口及虎盤遇賊皆大破之追殺至於潛遂復其縣治既又克復昌化縣及昱嶺關賊將潘大潘二千人賊又有犯千秋關者得壽遣軍守於潛而賊兵大至焚掠鄉廬

經濟集編戎政典第一百八十三卷兵略部

一八〇〇年五月

合海督按軍不動左右請出兵撫督曰未也遣人執白旗登山望賊約曰賊以我爲怯必少懈伺其有間則應所執旗又伏兵城外皆授以火礮復約曰見旗動即發已而旗動礮發兵乃盡出斬首數千級遂復千秋關未幾賊復攻獨松百丈嶺三關得奪乃先以兵守多溪多溪三關要路也既又分爲三軍一出獨松一出百丈一出嶺嶺然後會兵搗賊巢遂乘勝復安吉七巖而克之賊將以其徒來降者數百人既數日賊復來窺獨松據督即以兵守苦嶺及黃沙嶺賊帥梅元來督且言復有帥十一人欲降者即遣偏將全忠忠至賊老翁之殿皆入暗室潛謀思忠持火投入室內投劍語衆曰元帥命我來活汝汝復何議已而火起焚其營吐賊黨散去而引賊帥來降明日進兵廣德克之有新賊與饒池諸賊復犯徽州賊中有道士能作十二里霧揮臂以兵擊之已而妖霧開露諸伏兵皆起襲賊兵後賊大潰亂斬首數萬級擒千餘人獲道士焚其妖書而斬之遂平徽州至正十三年春正月方國珍降五月徽州張士誠反發兵討之十二月敗徐壽輝於新水

大周自稱賊王建元天祐六月庚子知樞密院事失刺把都總河南軍平章政事答失八都魯絕四川軍自襄陽分道而下克復安陸府辛亥命前河西廉訪副使也先不花爲淮西添設宣慰副使討泰州七月壬申湖廣行省參知政事阿魯輝復武昌及漢陽府八月資政院使脫火赤以兵復江州路以四川行省平章政事王樞虎兒吐華右丞完者不花守鎮中興路左遷平章政事咬住爲淮西元帥供給烏撒軍進討新黃十月丁未廣西元帥觀崇福復道州詠賊將周伯顏庚戌從帖里帖木兒左丞相失里之請授方國珍徽州路治中國璋廣德路治中國瑛信州路治中督遣之任國珍疑懼不受命十一月丁亥江西右丞火赤赤以兵平富州臨江遂引兵復瑞州十二月江浙行省平章政事上顏帖木兒南臺御史中丞費子海牙及四川行省參知政事哈魯亮左丞桑亮失里西軍王牙罕沙合軍討徐壽輝於新水敗之壽輝遁走獲其偽官四百餘人陳西行省平章政事李羅四川行省右丞答失八都魯復均房等州詔李羅等守之 按上顏帖木兒傳十三年三月賊衆復來攻池州衆且十萬諸將皆應之下顏帖木兒會諸將謀曰賊衆輿結若俟其築壘成而坐食諸縣之粟破之實難今新至疲弊如乘其驕惰盡銳攻之則頃刻之間功可成矣衆曰諾遂分番與賊果大敗之擒其偽帥悍斬無算諸縣復平進乘勝率舟師以進五月與賊於望江又敗小孤山及彭澤又戰龍閣河皆破走之遂復江州留兵守之七月進兵攻新州擒其偽帥鄒普泰遂克其城進兵道士洪焚其柁抵蘭溪口

賊之巢曰黃連若克而殲之分兵平兩巴河於是江路始通十一月與蠻子海牙四川行省參知政事哈魯亮左丞桑亮失里西軍王牙罕沙軍合而湖廣左丞伯顏不花等軍皆會十二月分道進攻新水縣拔其偽都獲偽將相而下四百餘人徐壽輝僅以身免至正十四年四月命阿里溫沙思軍討方國珍及河南賊五月討廬州賊十一月脫脫大敗張士誠於高郵 按元史順帝本紀十四年二月己未以湖廣行省平章政事哈兒爲淮南行省平章政事以兵攻高郵夏四月御史臺臣糾言江浙行省左丞帖里帖木兒等罪先是帖里帖木兒與江南行臺侍御史左丞相失里奉旨招諭方國珍報國珍已降乞立還防千戶所朝廷授以五品流官令納其船散還徒衆國珍不從擁船一千三百餘艘仍據海道阻絕糧運以故賄罪二人以江浙行省參知政事阿兒溫沙陞本省右丞新東宣慰使恩魯魯爲江浙行省參知政事皆總兵討方國珍發陝西軍討河南賊五月甲子安豐正陽賊圍廬州詔以王樞虎兒吐華募兵萬人下安豐江代答失八都魯守中興湖門命答失八都魯以兵赴汝軍陞湖廣行省參知政事阿兒兒爲右丞討廬州六月辛卯明高郵張士誠寇揚州丙申遣賊帖里溫以兵討張士誠敗諸軍皆潰詔江浙行省參知政事佛里間會諸將討進兵討之己酉肝胎縣陷庚戌陷泗州官軍潰七月壬申命刑部尚書阿魯於汝軍等募兵討泗州九月辛酉詔脫脫以太師中書右